


रवि शाक्य, इखाउँ, यल

# कीर्तिपुण्य महाविहार (लगं बाहा:) या परिचय



कीर्तिपुण्य महाविहार लगं बाहा:या छगु दृश्य

## लगं बाहाः सुधार समितिया छत्वाचा खं

भगवान बुद्धया अन्तिम काल (इ.पू. ४९६-४९१) ताकय् भगवान बुद्धयागु गृहराज्य व शाक्य तयगु कपिलवस्तु व कोलिय देवदह राज्ययात कोसलराज विडुपं ध्वस्त यासेली थःगु सुरक्षा व बुद्ध धर्मया संरक्षणया लागि हिमालय पाखे थाय् सरेजुया वोपिं शाक्यत मध्ये गुलिखे शाक्यत नेपालय् वया बसोबास यात । नेपालय् बसोबास याय् धुंका नेपामि जुयाः च्वपिं शाक्यत सकसिनं थौया पर्यन्त तकनं बुद्ध धर्मया संरक्षण यासे बौद्ध जीवन हना हे वै च्वंगु दु । थुकीया दसुया रुपे भीसे स्वेफु शाक्यत नेपालय् वया स्वनिगःया खंगुली दे येँ, यल व ख्वप न्यंक बसोबास याना वया च्वंगु थौया अद्यापि दहेदनी । गनगन शाक्यतसें बसोबास याना च्वन अनअन बौद्ध बाहा बही दयेका बाहाः बहीले तुं बौद्ध जीवन हना वया वं च्वन । थ्व खँया दसुया रुपे स्वेबले येँ न्यंक दैच्वंगु भिंच्यागु मू बाहाःत मध्ये लगं बाहाः कीर्तिपुण्य महाविहार न छगु खः । उकिसनं किम्वदन्ती कथं ला मञ्जुश्रीनं येँदे अर्थात् थुगु येँदे स्वनेधुंका दयेकूगु प्यंगु बाहालय् छगु खः । उगु प्यंगु बाहाः मध्ये कीर्तिपुण्य महाविहार (लगंबाहाः) न्हापांगु बाहा खः धैगु जिमिगु विश्वास दु । न्हायागु थजु बुद्ध धर्मयात न्हंके मबिसे बौद्ध जीवन हना वं वैच्वंगु थ्व कीर्तिपुण्य महाविहार लगं बहाया चिचाहागु ऐतिहासिक परिचय दको नेपामि बौद्धतय् न्हयने न्हयब्वे खना लगं बाहा सुधार समितियात तसकं लय्ताः वः । नापं थ्व लगंबाहाःया चिचाहागु थ्व परिचय भगवान बुद्धया शिक्षा शील, समाधि व प्रज्ञा सकसित प्राप्त जुयेमा अले विश्वे न्यंकभनं शान्ति ब्वलनेमा धका मनं तुना ।

### सौजन्यः

हर्षमुनि शाक्य

अध्यक्ष, युवा बौद्ध समूह

येँ, नेपा ।

# कीर्तिपुण्य महाविहार (लगं बाहाः) या परिचय

❧ ज्वमि: भुवनलाल प्रधान

यैयागु भिंच्यागु मू बाहालय् दुध्यानाच्चंगु लगं बाहा: किंवदन्ती कथं ला मञ्जुश्रीनं मञ्जुपतन अर्थात् थुगु यें दे:स्वनेधुंका दयेकूगु प्यंगू बाहालय् छगू खः । लगं बाहाया संघया सदस्यपिंगु धापुकथं ला मञ्जुश्रीनं दक्वसिबय् न्हापां हे थुगु बाहा दयेकूगु जुल । थुकिया दसु धासा मदु ।

अथेसां थन विचा: याये वहगु छता खं छुदु धा:सा लगं त्वा:या लागाय व थुकिया ज:ख: च्वंगु थासय त:धंगु, चिधंगु बाहा:बहि आपालं मौजुद दु । भीगु शहरया नां येंनाप स्वा:गु येंगाल त्वा: लगंलिक्कं तुं ला: गन लूगु ल्वहं पतिं लिच्छविकालीन इतिहासय् यक्व ज: खयेका च्वंगु दु । थुगु लगंयात पुलांगु अभिलेखय् 'लञ्जग्वल' धैत:गुलिं थुगु थाय आपा पुलांगु धका सिद्धजू । हानं, जन बाहा: चो सालेगु लगं बाहालय् क्वचायेक्यगुनं विना कारणं याना तल खैमखु ।

लगं त्वालय् व उया इताथिताय् च्वंगु आपालं बाहा:बहि लगं बाहानाप स्वानाच्चंगु दु । थुकिया कचा बाहा: निगू व छगू ननि ध्वनापं हे दु । थुगु बाहा:या संस्कृत नां कीर्तिपुण्य महाविहार खः । थुगु कीर्तिपुण्य धैगु शब्द कीर्ति नाम्ह जुजुं थुगु बाहा:या जीर्णोद्धार यासानिसें जूगु धाइ । अथेसां कीर्ति नाम्ह जुजु स्वनिगलय् गुबलें जूगु खनेमदु । हानं थुगु कीर्तिपुण्य धैगु शब्द दकलय् न्हापालाक्क संक्वय् वज्रयोगिनी स्थानय् च्वंगु चैत्यया स्वंगु नां - गुं विहार, कीर्तिपुण्य विहार व पद्मगिरि धर्मघातु विहार मध्यय् छगू नालय् खनेदु । संक्वयागु कीर्तिपुण्य महाविहार (अर्थात् गुं विहार इ. ३९०-४९५ ताकय्याम्ह लिच्छवि जुजु वृषदेवया पालय् दयेकूगु एवं ऐतिहासिक कथं प्रमाणित चैत्य जूगुलिं लगं बाहा:, न्हायकं बहि, च्वाकं बहि आदि बाहा: - बहिलं 'कीर्तिपुण्य' धैगु शब्द 'गुं बाहालं' हे का:गु खनेदु । लगं त्वालय् व इताथिताय् च्वंगु बाहाबहिया नामय् "कीर्तिपुण्य महाविहार" घानावैच्चंगु दु । गथे - (१) लगं बाहा: (कीर्तिपुण्य चैत्य महाविहार), (२) दथुनि (वज्रघातु महाविहार), (३) वन्ता बाहा: (कीर्तिपुण्य महाविहार), (४) त:बाहा: (कीर्तिपुण्य वज्रघातु चैत्य महाविहार), (५) न्हायकं बहि (कीर्तिपुण्य महाविहार), (६) च्वाकंबहि (कीर्तिपुण्य महाविहार), (७) येता (शायद् पश्चिम) बाहा: (कीर्तिपुण्य भुवनसुन्दर जोग बाहा: व ज्या: बाहा: (जयवन्ध महाविहार) वज्रघातु वा कीर्तिपुण्य मखुसां लगं बाहा:नाप स्वाना च्वन । च्वाकं वही व न्हायकं बहियापिं शाक्य पुर्खापिं ला गुं विहारं हे बोपिं खः ।

चैत्य (वचीभाः), बाहाः, बहिया सम्बन्धय् लुमंके बहःगु छता खं छु दु धाःसा जुजु वृष देवया पालय् न्हापां दयेकूगु चैत्य वा विहारयात गुमिदयेकूगुलिं गुं विहार, पद्मगिरि नांगु पर्वत त्वापलय् दयेकूगुलिं 'पद्मगिरि धर्मघातु विहार' व छुं हुनिं (सम्भवतः कीर्ति नं पुण्य नितां लाइ धैगु विश्वासया कारणं) 'कीर्तिपुण्य महाविहार' धका जूगु जुइफु । अलय् थुकिया नां उगु विहारयागु नां तुं कवकया - गुं विहार वा पद्मगिरि धायेमछिगुलिं कीर्तिपुण्य महाविहार धका तल जुइमाः ।

उबलय् यागु लञ्जरवल लागाय् न्हापां दयेकूगु लगं बाहाःयात च्वय् न्हयथनागु कारणं वा मेगु छुं कारणवश 'कीर्तिपुण्य' धका नां तल, उकिया इताथिताय् कचामचाकर्षं धमाधम दयेकूगु बाहाःबहिया नामय् नं मूल विहारया नां वया 'कीर्तिपुण्य' धैगु शब्द त्वमफिक दुध्याकल ।

मेगु छ ता खं नं. छु धाःसा मञ्जुश्री नं लः छवयेत न्हसिकाप वा क्वदुवाल गुंयि पाःगु खड्ग थुगु लगं बाहालय् तैतःगु दु धाइगु एवं मञ्जुश्री नं. मञ्जुपतन दयेके धुंका दकलय् न्हापालाक दयेकूगु बाहाः लगं बाहाः हे खः धाइगु किंवदन्ती खः हे खः धका प्रमाणित याये मफुसां थुगु बाहाः स्वनिगलय दकलय् न्हापालाक निर्माण जूगु खयेफु धैगु संकेत याः ।

थुकथं कीर्तिपुण्य धका छगू हे नां जुयाचंगु च्वय् न्हयथना तैगु बाहाः मध्ये लगं बाहा छगू जक येंया १८ गू मू बाहाः लय् तथा न्हायकं बहि व च्वाकं बहि निगू जक भिंखुगू बहिलय् दुध्याना च्वन । लगं बाहालय् शाक्यतय् बरे छुयेगु व वज्राचार्यतय आचाः लुयेगु निगुलिं विधि जू । येता बाहाः व क्वहिटि बाहालय् बरे छुयेगु लगं बाहाया थायपा.जु पिसं ।

लगं बाहाःया निर्माणबारय् थुकिया संघ सदस्य शाक्यतय् छगू किंवदन्ती दु । उगु किंवदन्ती कथं भगवान् बुद्धया अन्तिम काल (ई.पू. ४९६ - ४९१) ताकय् शाक्य तय्गु कपिलवस्तु व कोलिया देवदह राज्ययात कोसलराज विडुपं ध्वस्त यासेलि हिमालय पाखे वोपिं कोलिय शाक्यत गुलिं वर्तमान गोर्खा न्यागू बाय् योता पाखे च्वंगु यमयम टारय् च्वनेगु यात । उपिमध्ये छम्ह कोलिय शाक्य आयुदेव लिच्छवि कालय् यें लगं त्वालय् च्वं वल । उगु इलय् हे थन ध्वस्त जुयावंगु बाहाः दैच्वन धाइ । उगु बाहाःयात ल्हवना आयुदेव अन हे च्वन । छुं इ लिपा वं थगु परिवारयात नं यें हे सःता तल । थुम्ह आयुदेव्या छगू मूर्ति लगं बाहाःलय् दनि गुगुयात 'ह्याउँब्बाल आःजु' धाइ । थये तुं लगं बाहाः संघयादुजः छथि शाक्यतय् आःजु 'सिंहपति'-या मूर्ति ज्याः बाहालय् दु गुगु कि ने.सं. १ सालय् दयेकूगु धाइ ।

आयुदेवं यमयम टारनिसें ज्वनावोगु धाःगु छगू चीग्वःगु चैत्य यौकन्हय् कवाःपाःचो दुगु क्वथाय् दुने तैतःगु दु धाई आयुदेव वोगु व अनं. लिपायागु विस्तृत विवरण दुगु शाक्यतय्गु वंशावली छुं इ न्हयो तने धुंकल । जुजु जयस्थिति मल्लया इ (ने.सं. ५०२-५१४) स्वया न्हयोयाम्ह थुगु बाहाःया शाक्य रङ्गचन्द्रं थुगु बाहाया

जीर्णोद्धार यात । उया निम्ह कायपि -- मानचन्द्र व हर्षराम दैचन । थुम्ह मानचन्द्रं ने.सं. ४९२ आश्विन शुक्ल पूर्णिमा खुन्हु जुजु अर्जुन देव व उपराजा जयस्थिति मल्लया इलय महापाल श्री राजहर्ष भल्लोक पाखें स्वयम्भू महाचैत्य जीर्णोद्धार याःबलम् कीर्तिपुण्य महाविहारयाम्ह शाक्य मानचन्द्रजुं विश्वमणी दयेका स्वयम्भू महाचैत्ययात देख्ताल । (स्वैदिसं अनुसूची १ ।)

नेपालय् ने.सं. ५०४ सालय् चीनं वोगु बौद्ध प्रतिनिधि मण्डलया लस्वकुस्व यायेगु ज्याय् पंमां मदनरामं व मानचन्द्र शाक्यं प्रमुख भूमिका म्हितूगु खं नं. थन न्हयथने बह जू ।

न्हायकं बहिलय् थुम्ह मानचन्द्रं ने.सं. ५०८ सालय् तःगु छगू अभिलेखं थुगु खं कनाच्वंगु दु -- “जुजु जयस्थिति मल्लया तः धंगु निगाह नं यश वा ऐश्वर्य प्राप्त जुयाच्वंम्ह, तस्सकं दानीम्ह, स्थविर (थाय्पाःजु) या काय मानचन्द्रं थःम्हं कमाय् याःगु धेवां किजा हर्षराम सहित जुया शिरशिखा (कूट) सहित गु वज्रासनम्ह बुद्धयागु लुंयागु मूर्तियात कीर्तिपुण्य महाविहारे (अर्थात् लगं बाहालय्) क्वाःपाद्योया रुपय् लक्षहोम याना विधिपूर्वक पलिस्था यात । उम्ह क्वापाः द्योयात स्वत जाःगु देगः दयेका उकी विधिपूर्वक थापना यात । उगु देःगलय् लुंयागु तस्सकं थिनाच्वंगु न्यागू गजू छुनाबिल (स्वैदिसं अनुसूची ३) ।

वं थःम्ह काय ज्ञानचन्द्र सहित प्रवजित जुया लगंयागु विहारय् गान्धुलि भट्टारकयागु लुंयागु मूर्तियात लक्षाहुति याना विधिपूर्वक पलिस्था यात । थुगु पलिस्था ज्या राजाधिराज परम भट्टारक श्री श्री जयस्थिति मल्लया विजय राज्यय् ने.सं. ५०८ जेष्ठ शुक्ल दशमी उत्तरफाल्गुण नक्षत्रे सिद्धि योगय् शुक्रवार खुन्हु जूगु जुल (स्वैदिसं अनुसूची २) ।

हानं उखुन्हु हे मानचन्द्रया किजा हर्षरामं बाहाःया भिक्षु संघयात फं निगवः दत्युंगु जुल । थुम्ह हर्षरामया म्हायाय जयतलक्ष्मी जुजु जयस्थिति मल्लकालीन पंमां मदनराम वर्धन या श्रीमती जुयाच्वन । उगु फं छग्वलय् कियातः गु अभिलेखं थुगु खं सीदुः - “उ खुन्हु हे स्थविर (थाय्पाःजु) रङ्गचन्द्रया काय एवं मानचन्द्रया किजा हर्षरामं थव स्त्री जयलक्ष्मीसहित जुया उगु कीर्तिपुण्य विहारय् जुगः पञ्जरां खुन्हु लुंयागु फं छथल छथल का व कपाय दान बियेत बुनं. तैबिल” (स्वैदिसं अनुसूची ३) ।

मेगु फलय् कियातःगु अभिलेखया सारांश थये खः -- “...महामात्य श्री जयसिंहराम व कनिष्ठ अमात्य श्री मदनरामया प्रसाद प्राप्त जूयाच्वंम्ह ..... शाक्यभिक्षु मानचन्द्रया किजा दानपति शाक्यभिक्षु श्री हर्षराम गृहपत्नी श्री जयलक्ष्मीसहित जुया प्रतिवर्ष श्रावणकृष्ण त्रयोदशी युगादि पर्व दिवसे (अर्थात् पञ्जरा खुन्हु) फुक शाक्यभिक्षु भिक्षुणी संघयात थुगु कीर्तिपुण्य महाविहारे थुगु लुं यागुफं छथल छथल भिंगु बांलागु का व कपाय दान बीत बुतैबिल” (स्वैदिसं अनुसूची ४) ।

थुगु फंलय् सियातःगु लुं ज्यलावन जुइमाः (थुगु फं थौकन्हय् सिभःयागु जक जुयाचंगु खनेदु) ।

राष्ट्रिय अभिलेखालयलय् च्वंगु ने.सं. ५९६ सालयागु सफुति च्वयातःगुकथं थुगु विहारय् उगुताकय् शाक्यभिक्षु देवाचन्द्र (थुप्तेन तेन्जिङ्ग दैच्वंगु जुल) उयागु संय् नाम व ल्हासाय् बनय् ज्याः वनिम्ह जुयाच्वन धका सियेदु (स्वैदिसं अनुसूची ५) ।

थुगु कीर्तिपुण्य महाविहारया छम्ह शाक्यभिक्षु श्रीउल्हासचन्द्रं थव मांबौ परिवारया दुजः सकलयात अनुत्तर फल लायेमा धका सकोया सालंखु विहारयाम्ह बज्राचार्य श्री हृदयसेनयात आर्य पञ्चरक्षा, नामसङ्गीति, ग्रहमातृका सफू च्वके ब्युगुजुल गुगु ने.सं. ६०३ वैशाख कृष्णा त्रयोदशी खुन्हु सिधयेकूगु जुल (स्वैदिसं अनुसूची ६) ।

जुजु शिवसिंह मल्लया पालय् ने.सं. ७२४ ताकय् थुगु कीर्तिपुण्य महाविहारया उदयचन्द्र धैम्ह शाक्य दैच्वंगु जुल (स्वैदिसं अनुसूची ७) ।

ने.सं. ७५२ कृतिपुण्य महाविहार महागौरी यताछें चोम्ह शाक्य भिक्षु श्री शमरसिंह व मेम्ह श्री बिजयसिंह (नेप्रुसेन) नं. वसुन्धरा व्रत (गातिला) यात दछीयात गाक व्यवस्था याना बिल ॥

ने.सं. ७७८ श्री काष्टमण्डप महा नगराधिपति महाराजाधिराज कबिन्द्र जयप्रताप मल्ल देब बिजय राज्य दानपति शाक्यभिक्षु श्री मुनिरथचन्द्र व वृथा कायचा श्री सुर्यचन्द्र (नेप्रुसेन) नं. सुवर्ण कलस बसुन्धरा देबीया व्रते (गातिला) यात तया ब्युगुजुल ॥ (स्वैदिसं अनुसूची ८) ।

ने.सं. ७८८ साल असारय् थन बाहाःयाम्ह दानपति शाक्यभिक्षु श्री दिनकरया तःधिम्ह काय रत्नकर, मेम्ह काय ग्यामूच्छिलिङ्गपिसं. थःथःगु लाहात सुवर्ण कलश पलिस्था याना देःथकालि शाक्यभिक्षु श्री जयरत्न आदिसहित गोष्ठी समुच्चय याना थुगु सुवर्ण कलश दुत्युंगु जुल । (स्वैदिसं अनुसूची ९) ।

लगं बाहाःया क्वाःपाचोया न्हयोनेसं च्वंगु चैत्यया लिकवय् च्वंगु ल्वहंपतियि क्रियातःगु शिलापत्रकथं उगु चैत्य व मण्डल कीर्तिपुण्य महाविहार महागौरी ननिभि च्वम्ह शाक्यभिक्षु सुर्येन्द्रं । “छिरिङ्ग” - संय् नां) दिवंगत जूम्ह थः काय महामुनिया नामं ने.सं. ७९५ कार्तिक शुल्क पक्षे त्रयोदशी बुधवार खुन्हु थापना याःगु जुल ।

ने.सं. ७९६ सालय् शाक्य भिक्षु सुर्यचन्द्रं अक्षोभ्य (क्वाःपाःचो) व वज्रधातु चैत्ययात पूजा याये बलय् मत बियेत ल्वहंयागु त्वाःग्देवा दोहलपिल ।

- हेमराज शाक्य वैद्य - “कोलोफोन्ज् आयण्ड् इन्सक्रिप्सन्ज्” पृ. १४४ ।

थौकन्हय् लण्डनय् भिक्टोरिया आयन्ड अल्बर्ट म्युजिमय् लानाच्वंगु वज्राचार्य मुखः थुगु लगविहार याम्ह शाक्यभिक्षु सुर्येन्द्रं योताछें लगं येंगालय् च्वम्ह गुरुभद्र कनकमुनिजुयात ने.सं. ७९७ सालय् देछाःगु जुल । थुम्ह सुर्येन्द्र ल्हासाय बनय् ज्याः

वनिम्ह जुल तथा उगु मुखः ल्हासाय् वनाच्चपिं लंग खालछें च्वम्ह शाक्यभिक्षु रत्नदेवं व चन्द्रज्योतिं अन हे दयेकूगु जुल (स्वैदिसं अनुसूची १०) ।

थुगु लंग बाहालय् दंय्दसकं पाठ याइगु छगू वंशावली थनयापिं शाक्यतय्के दु । उकि थाय्पाःजु रङ्गचन्द्र शाक्य, उया कायपिनिसें कया प्यसः दं लिपायाम्ह दोर्जे छिरिङ्ग सं देशय् तःधकं बनय्ज्या सनाच्च्वम्ह जुल । सिखाछेंय् दयेकातःगु उयागु छें आतंक दनि । लंग बाहाःया सम्यकया नितिं वं आपालं आयस्ता तैब्यूगु दु । युवा बौद्ध समूहया अध्यक्ष हर्षमुनि शाक्यजू उम्ह दोर्जे छिरिङ्गया हे सन्तान खः ।

थुगु लंग बाहालय् थौतक नं. बाहाःयागु अङ्ग व प्रक्रिया पूवनाच्च्वंगु दु । थुकिया छोछेंया छेलियि पलिस्था यानातःम्ह क्वाःपाःचो भगवान् बुद्धया मूर्ति खः । धन कवथाय् तैतःगु छुं भचा प्राचीन वस्तुमध्ये चीग्वःगु छग्वः चैत्य न्हयथने बहः जू गुगु थुगु विहारया संस्थापक आयुदेवं यमयम टारनिसें ज्वनावोगु जुल । थुगु चैत्य हे थनयागु संघया दुजःपिनि देगुचो जुयाच्चन ।

क्वाःपाःचोया क्वथाय् दुने च्वंगु सियागु चैत्यय् तानातःगु सिक्कःपतियि कियातःगु ने.सं. ५४० सालयागु अभिलेखकथं दानपति श्री जयपतिजुं थःम्ह दिवंगत पिता जयपतिजुयात सुखावती भुवन एवं महामुद्रासिद्धि प्राप्त जुइमा धका तथा थःपित सुखसम्पत्ति लाभ जुइमा धका कामना यासे किजा देवहर्ष सहित जुया क्वाःपाःचोयात छुं दान दुत्यंगुजुल (स्वैदिसं अनुसूची ११) ।

क्वाःपाःचोया देःपापाखे च्वंगु ल्वहंपौयागु अभिलेख थथे दु :- “ने.सं. ८०४ जुजु पार्थि (वे)न्द्र मल्लया पालय् बज्रधातु चैत्य कीर्तिपुण्य महाविहारे च्वम्ह शाक्यभिक्षु श्री भुजचन्द्रजुं दयेकूगु जुल ।”

थुगु बाहाःया दथुयि दनातःगु देःगःया दुने छग्वः बहचाधंगु बज्रधातु चैत्य दु । उगु बज्रधातु चैत्यया हुनि हे बाहाःया नां बज्रधातु महाविहार जूगु खः । रत्नकाजी विजयरत्नयागु ‘नेपाःगाःया विहारया ताःचा’- कथं युगु चैत्य पुखूया दथुं स्वयं प्रकट जूगु जुल व थुकिया तःलय् पन्नाया खानि दु धाइ । पुखुलिं बुया वोगुलिं हे थुकिया जलहरीयि त्वःमफिक लः वुयावैचनिगु जुयाच्चन । उगु ल्वहंयागु जलहरीया हिटि मङ्गःथौतक दनि । चीभाः जक ने.सं. ११११ कछलाथ्व षष्ठी बुधवार खुन्हु खुयायंकल । आःदुगु चीमाः उगु सालय् हे बछलाथ्व प्रतिपदा बुधवार खुन्हु न्हूगु दयेका तःगु खः ।

थुगु बाहाःया छचाखेरं लिच्छविकालीन, मल्लकालीन व आधुनिक याना भिनिग्वः ति चैत्य, स्तम्भ आदि कृति दु । गुलिगुलिलय् अभिलेख कियातःगु नं दु ।

थनया शाक्यतयगु आगमय् सम्बन्धित शाक्यतयत् त्वःता संघया दुजः जुयाच्चपिं मेपि. शाक्यतयत् हे दुकाई मखु । हर्षरामया पालय् तःबाहाः (कीर्तिपुण्य बज्रधातु चैत्य महाविहार) याम्ह बज्राचार्य लुमन्त भद्रयात गुरु थापना याना आगमय् दुध्याकुगु जुल । थुम्ह लुमन्त भद्र शाक्यभिक्षु बज्राचार्य ने.सं. ५०० सालय् अमात्य जगत वर्मायागु “न्यायविकाशिनी” शीर्षक सफू ल्हययेगु ज्या याःगु दु (स्वैदिसं अनुसूची १२) । थौतक



नं उम्ह लुमन्त भद्रया सन्तान वज्राचार्यपित जक धन आगमय दुकाइ (लुमन्तभद्र शाक्य जूसां वज्राचार्य दीक्षा कासेलि वज्राचार्य जूग जुल) ।

थुगु लगं बाहाःया संघ बल्लाना हे च्वंगु दु धायेमाः । थुकि शाक्यत व वज्राचार्यत निधि दु । वज्राचार्यत सद्धिम्ह ति दुसा शाक्यत निसःत्या ति दु । थनयापि शाक्यत च्वय न्हयथनाकथं कोलिय शाक्यतय् सन्तान खः । वज्राचार्यतय् ब्रम्हुतय सन्तान नं दु । खुगु पुस्ता न्हयोयाम्ह धनञ्जय उपाध्याय नं. थुगु बाहालय वज्राचार्य दीक्षा काःगु जुल । वज्राचार्य शास्त्रीय नृत्यया धार्मिक गुरु स्व. सप्तमुनि वज्राचार्य उम्ह धनञ्जय उपाध्यायया खुत लिपायाम्ह सन्तान खः । थनयागु संघय् च्वय न्हयथनापि शाक्य, वज्राचार्य, ब्रम्हुत बाहिक नं इलय् इलय् मेमेगु पुचःनं थ्याका तःगु दु । जुजु भास्कर मल्ल (ने.सं. ८२१-८३४) या हुकुमं रथपं थन च्वंबोपि छ थि शाक्यत नं. थन दुथ्याका तःगु दु ।

थुकथं थनया संघय् शाक्यत आपाः जक दुगु मखु कि जेष्ठानुक्रमय् नं च्वय लानाच्चंगु दु । उकिं थनया थाय्पाःजु प्रायः शाक्य हे जुयाच्चनि । थुगु स्थितियि वज्राचार्यतय् लुमदंगुलिं उमिसं न्ययेदं ती न्हयोनिसें थःपिनिगु बरे छुयेगु व आचाः लुयेगु बिस्कं तर थुगु बाहालयसं तुं यायेगु यात । बाहाया नित्य पूजा, पर्व पूजा आदि शाक्यतसें फिंछला व वज्राचार्यतसें लछि चलय् यानाच्चन ।

लगं बाहाःया छगू विशेषता सम्यक पर्व न्यायेकेगु खः । न्हापान्हापा लगं बाहाःया सम्यक खुसी बहिलय् न्यायेकिगु जुयाच्चन । इदं बाहाःयागु सम्यक बुरां छ्यलय् व वटु तःबाहाःयागु धाःसा प्यूखा बाहालय याइगु जुयाच्चन । सम्यक न्यायेकेगु अवधि प्यदं प्यदंय् छक्कः जुयाच्चंगु जुल । गोरखाया जुजु श्री ५ पृथ्वीनारायण शाहनं. स्वनिगः त्याकेत छचाःखेरं लं. पनाब्यूगुया लिच्चकथं दिकेमाःगु सम्यक पर्व थनया स्थिति सामानय जुइधुंकाः नं उयागु छगू हे भाषा छगू हे धर्मयात जक तिबः बिइगु नीति अर्थात् सम्यक न्यायेकि बलय् जुजुयात देछाइगु हनापौ पर्वतिया भासं च्वयेमाः जा-भ्वय नयेमज्यू धैगु आदिया विरोधय् दोर्जे छिरिडपिसं सम्यक न्यायेकेगु दिकल । लिपा सं. १८६१ सालय् गुठी जाँचया कचहरी अड्डां इदं बाहाःया धनसिद्धि बाँडा, वटु बाहाःया सूर्यकला बाँडा, लगं त्वाःया धोजे छुलिं (दोर्जे छिरिड) स्वम्हेसित नेपाल (युद्धय्) बुसानिसें (ने.सं. ८८८, वि.सं. १८२५ सालनिसें) गुठी मन्यायेकूगु बापतय् गोयदां (पानफूल रुपियाँ) १६० तका (रु. १६०/-) बं कया मू पाहाँ जुजु याना आवनिसें स्वंगुलिं गुठी छथि याना परापूर्वया रीतिकथं न्यायेकेगु आदेश बिल (स्वैदिसं अनुसूची १३) ।

थुकथं थुगु स्वंगू बाहाःयागु सम्यक स्वंगुलिं ल्वाक छयाना छगू हे याना व प्यदं प्यदंया थासय् फिनिदय् छक्कः जक न्यायेकेगु ग्वसाः सं. १८६१ (अर्थात् ने.सं. १२४) साल फाल्गुनय् जूगुजुल ।



अन्तय् छु धाये मालाच्वंगु दु धाःसा थौकन्हेयागु परिस्थिति अन्तर्गत बाहाःबहिया अवस्था न्हियान्हिथं स्यनावना च्वंसां थुपिं आतक नं. भीगु संस्कृतिया अमूल्य सम्पदा खः । थुपिं भीगु फुक प्रकारया चित्रकला, मूर्तिकला, नृत्यकला, वाद्यकला, मृत्तिकाकला, काष्ठकला, प्रस्तर कला, धातुकला, मित्तिकला, स्थापत्य कलाया संग्रहालय जुयाच्वंगुया नापं महायानी, वज्रयानी दर्शनया धुकू एवं “शान्ति, मैत्री, बहुजनहिताय” धैगु बुद्ध बचनया प्रतीक जुया वैच्वंगु खः । छगू हे शब्दय् धायेगु स्वल धाःसा न्हापायागु नेपां थुपिं बाहाः बहिलय् हे सुलाच्वंगु दनि । अलय् थुगु गौरवमय संस्कृति गुलि थौ ल्यनाच्वन उकिया संरक्षण नं. बाहाःबहिपाखें हे जुया वैच्वंगु दु । उकिं थुमिगु महत्व व गरिमा थौ नं पाःमजुनि, बरु न्हियान्हिथं तच्चया वैच्वंगु दु ।

## अनुसूची १

“ने.सं. ४९२ आश्विन शुक्ल पूर्णी अश्विनी नक्षत्र सुकर्म योग बुद्धवार खुनु ध्वोजाबरोहण सम्पूर्ण कार्ये सिधयकाः प्रतिष्ठा यागजुल ।

राजा जयाअर्जुनदेव व उपराजा जयस्थिति मल्लया समय महापात्र श्री राजहर्ष भल्लोक पाखें स्वयम्भू महाचैत्य जिर्णोद्धारे कृतिपुण्य महाविहार याम्ह शाक्य मानचन्द्रजुं विश्वमणी दयका स्वयम्भू महा चैत्य यात चरेयागु जुल ।”

(१) संस्कृत सन्देश वर्ष १, अंक १०, वीर पुस्तकालयं प्रकाशित

(२) पं. हेमराज शाक्य ( स्वयम्भू महाचैत्य, पृ. ५ )

## अनुसूची २

“यो बुद्धचिन्तां प्रकरोति जन्मी कायेन वाचा मनसा च वितैः ।

स एव साक्षाद्गवन्मुनिन्द्रस्तस्मै नमो धर्मधुरंधराय ॥ १ ॥

स्वस्ति श्रीमदनेकपुण्यनिलये नैपाल देशे शुभे

राजा राजगुणालयः प्रविदितः सर्वार्धिकल्पद्रुमः ।

सम्यग्धर्मनय प्रचारकुशलः षड्वर्गवाञ्छारतः

श्रीमान् श्रीस्थितिराज मल्ल इति यो लोकार्तिरक्षाव्रती ॥ : ॥

तस्यावनीशस्य पृथु प्रसादात्प्रवर्द्धमानोरु यशोविभूतिः  
 श्रीरंगचन्द्रस्यङ्क विरात्माजोङ्कभूच्छ्रीमानचन्द्रो भूवि माननीयः ॥ ३ ॥  
 सर्वार्थिने सर्वमिदं मया स्वं सदा प्रदातव्यमिति प्रतिज्ञा ।  
 अशेषलोकव्यसनानि हन्तुमासिद्धदीयं (या) महती च चिन्ता ॥ ४ ॥  
 यः कीर्तिपुण्याख्यमहाविहारे सलक्षहोमं पितु राजयादौ ।  
 हैम सकूटं वरकोष्ठपालं वज्रासनं स्थापयति स्म बुद्धं ॥ ५ ॥  
 तत्कोष्ठपालायतनं त्रिभौमं पुरं वि निर्या(र्मा) य च तत्र देवं ।  
 श्रीहेरुकं यामलकं सलक्षहोमं प्रतिष्ठापितवान्स भूयः ॥ ६ ॥  
 पुनश्च तस्योपरि पंच हैमान्देदीप्य मानान्कलशान्सकेतून् ।  
 आरोप्य लक्षाहुति दान पूर्वं तेषां प्रतिष्ठाम करोत्स एव ॥ ७ ॥  
 स्वात्माज्जितैः सद्ग विणौ व्ययित्वा सुश्रद्धया बुद्धपदाभिलाषी ।  
 सलोपकारैः करसार्द्धं (र्द्रं) चेताः श्री हर्स(र्ष) रामेण सहानुजेन ॥ ८ ॥  
 स शाक्यवंशोदधिजात चन्द्रः श्रीरंगचन्द्रात्मज मानचन्द्रः ।  
 श्रीज्ञानचन्द्रेसा सुतेन भूयः प्रवेशितः श्रीजिन धर्म मार्गं ॥ ९ ॥  
 बुद्धालये रंगनके विहारे गांधूलि भट्टारक देव तारं (तां) ।  
 निर्माय हैम्ना विधिवत्सलक्षाहुति प्रतिष्ठापयति स्म बुद्धं ॥ १० ॥  
 अष्टोत्तरे पंचशते गतेडब्दे नैपालिके जेष्ठशि(सि) ते दशम्यां ।  
 विद्योत्तरो फाल्गुण सङ्गके मे शुद्धयाख्ययोगे भृगुवासरे च ॥ ११ ॥  
 तस्यपुरावलेनैव सर्वेऽनुत्तरयायिनः ॥  
 सन्तु सत्वा महासत्वा बोधिचर्यापरायणाः ॥ १२ ॥

श्रेयोऽडस्तु संवत् ५०८ जेष्ठशुक्ल दशम्यां उत्तरफाल्गुण नक्षत्रे शुद्धियोगे  
 शुक्रवासरे ॥

राजाधिराज परमेश्वरपरम भट्टारक श्री श्री जयस्थितिराज मल्ल देवस्य  
 विजय राज्ये ॥ शुभमस्तु ॥”

- पूर्णिमा, वर्ष १, अंक ४, पृ. ५४-५९

### अनुसूची ३

“ॐ अष्टोत्तर गते पंच शते नेपाल वत्सरे/ज्येष्ठ मासि शिते पक्षे दशम्यां शुक्र  
वासरे श्री श्री जयस्थितिमल्लस्य देवस्य धर्मशालिनः । राज्ये नेपाल देशे अस्मिन्  
काष्ठ मंडप पट्टने ॥ कीर्तिपुण्य विहारस्थे नंगस्थविर नंदनः । शाक्यः  
श्री हर्षरामः श्रीजयलक्ष्मीपति । सुधीः ॥ शाक्यः श्री मानचन्द्रस्य नाता रत्न  
त्रयानुशः ॥ तत्रैव कीर्तिपुण्याख्या विहारे प्रतिवत्सरं ॥ युगादि पर्वदिवसें  
भिक्षुसंघाय भक्तिकतः । अनेन हेम प्रस्थेन प्रस्थैकैकं सूतं तूलं ।  
प्रदापयी तुमस्याय क्षेत्र दानं कृतस्तदा ॥ नलोपयितुमर्हति येके  
त्रित्याय बुद्धये : । यदिवाऽस्मिन्महादाने विघ्नं कुर्वन्ति पामिनः ॥  
ते यान्तु नरके घोरे रत्न त्रयस्य निग्रहात् ॥ अनेन कुशलेनैव  
काले वर्षन्तु वारिदा : । महिसमृद्धशश्यास्तु, धामिकोऽस्तु  
मदीपतिः ॥ शुभमस्तु ॥

### अनुसूची ४

“स्वस्ति श्री नेपाल मण्डलालंकारभूत निखिलमं । त्रराज चक्रो शिरोमणि  
महामात्य श्री जयसिंहरामाणां तदनुज कनिष्ठामात्य श्री मदन रामाणां  
च प्रसाद सन्मानं दानादि परिवर्द्धमानविभवानुरूपदाना दिव्यसनेन धीमता  
श्री नंगस्थ विरपाद नंदन शाक्यभिक्षु श्री मानचन्द्रानुजेन दानपतिना  
शाक्यभिक्षु श्री हर्षरामेण गृहपत्नी श्री जयलक्ष्मी सहितेन प्रतिवर्ष श्रावण  
कृष्ण त्रयोदशां युगादि पर्व दिवसे सर्व्व शाक्य भिक्षुभिक्षुणी संघेभ्यो ऽ  
स्मिन्नैव कीर्तिपुण्य महाविहारे ऽ नेन कांचन प्रस्थनु भद्रकतं तूल  
प्रस(थ)कैकेक प्रदानाय क्षेत्रादिकं प्रदत्तं ॥ अतः परं केनापि  
तदीय पुत्रपौत्रादिभिर्वा अष्टौ (न्यै) श्वराजकुल पात्र कुलादिभिर्वा  
नलोपनीयं ॥ यदि वा लुपायै कैश्चिद्रत्नत्रयायकारिभिः । ते यांति  
नरके घोरे तस्माद्रक्षक धामिकाः ॥ शुभमस्तु ॥”

## अनुसूची ५

“देय धर्मोयं प्रवर महायानं यामिनः परमोपासिक श्री काष्ठमण्डप नगरे श्री कृति पुण्य महाविहारीय शाक्यभिक्षु श्री देवाचन्द्रस्य (धुप्तेन तेनजिङ्ग)”

- पञ्चरक्षा, ने.सं. ५९६, राष्ट्रिय, अभिलेखालय

## अनुसूची ६

“ये धर्म्मो हेतु प्रभवा हेतुस्तेयान्तथागतो ह्यवद

द्वेषाञ्च यो निरोध एवम्वादि महाश्रमणः ॥ ॥

देय धर्म्मो यं प्रवर महायानयायिनः परमोपासकः श्री काष्ठमण्डप नगरे श्री कीर्तिपुण्य महा विहारावस्थितः । शाक्य भिक्षु श्री उल्हासरम्यचन्द्रस्य तस्य माता पद्म लक्ष्मी नामस्य ॥ भार्या हृदयलक्ष्मी पुत्र जीतरम्य चन्द्र पुत्री विजयलक्ष्मी सगण परिवारस्य यदत्र पुण्यन्तद्बत्वाचार्योपाध्याय मातापितृ पूर्वङ्गम कृत्वा सकल सत्त्व राशेरनुत्तरफलावाप्तये इति ॥ ॥

श्रीमत् श्री श्री जय राय मल्ल देवस्य श्री श्री जय रत्न मल्ल देवस्य श्री श्री जयरण मल्ल देव त्रिमय प्रभु ठाकुरस्य विजयराज्ये ॥ ० ॥

सम्बत् ६०३ बौशाख कृष्ण त्रयोदश्यान्तिथौ अश्विनी नक्षत्रे आयु ॥ ॥ ष्मान् योगे आदित्य दिने ॥ भगवति आर्य पञ्चरक्षा पुस्तक ॥ श्रीनाम सङ्गिति ॥ पुस्तक ॥ श्री ग्रहमातृका पुस्तक लिखि सम्पूर्णमिति ॥ लेखको यं श्रीसालंभुं विहारीय वज्राचार्य । श्रीहृदय सेनेनेति ॥

यथा दृष्ट तथा लिखितं लेखिको नास्ति दोषक ।

यदि शुद्धमशुद्धम्वा शोचनीय महद् बुधैः ॥”

- राष्ट्रिय अभिलेखालयः, .....

(ताडपत्र) रिल सं. २९२४/८

छापः

(१९८८ श्री भीम शम्शेर)

- पूर्णिमा सं. ७४, सं. २०४५

## अनुसूची ७

“सिवसिंह मल्ल जुजुया पाले ने.सं. ७२४ से स्वयम्भू महा चैत्य प्रति सुवर्ण छत्र समर्पण शाक्य भिक्षु जयलक्ष्म्या सिलालेखे कृतिपुण्य महाविहार (लगं बाहाः) या श्रीउदयचन्द्रज्यू धका उलेख याता तल”

- हेमराज शाक्य - स्वयम्भू महाचैत्य, पृ.नं. १५८

## अनुसूची ८

ॐ नमोः श्री बसूँधराय । स्वस्ति सम्बत ७५२ भाद्रपद मासे कृष्णपक्ष तृतीय याँ तिथौ व्रतदिनै दापति श्री कृतिपुण्य महाविहाराधि स्थित महा गौरी यताछें शाक्यभिक्षु श्री शमरसिंह तस्य भातृ यतृ शाक्यभिक्षु श्री बिजयसिंह (नोपुसेन) अतिमहामनो हर्षण वर्ष बंधन गाकती नार ..... ।

॥ स्वस्ति ॥ सम्बत ७७८ ज्येष्ठ मासे कृष्ण मक्षे अष्टभ्या तिथौ उत्र भद्रय रेबति नक्षत्र स्वभाग्य जोगे यथा कन्यमुहूते उपादित्य बारसरै मिथुन राशि गते सबितरि भिन राशि गते चन्द्रमसि ॥ श्री काष्ठमण्डप महानगराधिपति महाराजा ॥ षव्रतस ॥ श्री ३ बसुन्धरा देवी प्रितीन सूवर्ण पूर्ण लघल दोहरपा जुरो ॥

॥ दानपति शाक्यभिक्षु श्री मुनिरथं चन्द्र तस्य भातृ पुत्र शाक्यभिक्षु श्री सुर्येचन्द्र (नेपुसेन) न्हव । ववुयनिसन छासे दोहोर यता या थ्व सूवर्ण क्लेश स सवर्ण सहरी ३दे । छासं थ्व दिनस प्रतिष्ठा याता जुरो ॥ धिराज कविन्द्र श्री २ जयप्रताप मल्ल देव बिजय राज्य ॥

(बसुन्धरा व्रत स्वर्ण कलसे कियातगु)

## अनुसूची ९

महाराजाधिराज परम भट्टारक श्री काष्ठमण्डप महानगरे श्री श्री कविन्द्र जयप्रताप मल्ल देवस विजय राज्य दानपति रंगनतोर श्री कीतिपुण्य महाविहाराधिष्ठित वान्तावार ननी यन्ता गृहसित (स्थ) दानपति शाक्यभिक्षु श्री दिनकरस्य प्रथम पुत्र रत्नकर, दिनकरसे (स्थ) दूतिय दारा ग्यामूच्छिलिं थतसे नस्वहस्तेन थ्व सुवर्ण कर (ल) स प्रतिष्ठा याडन यौ तामै या जे (दे ?) ष थंकारि शाक्यभिक्षु श्री जयरन्ह प्रमुषन धर्म गोस्ति (स्थि) समूचय याडन थ्व सुवर्ण करस दुन्ताजुरो : ॥

स्वाचि सम्बत् ७८८ आषाढ मास्ये शुक्ल पक्ष दशम्यायां तिथौ  
शुक्लम जोग्य यथा कर्ण मूर्तुर्ते बृहस्पति वार सरे  
यथारासि गते सवितरि तथा रासि गते चन्द्रमसि  
ध्वंकून्ह सुवर्ण करस ध्वपोधिं प्रतिष्ठा याडन  
सम्पूर्ण दुन्ता जुरो -

- चिल्लागु गुठीयात लुंया कलश तथा ब्यूगु सफुलिं

## अनुसूची १०

स्वैदिसं:

जोन के. लाक - बुद्धिष्ट मोनास्ट्रिज अफ् नेपाल,"

पृ. ३१६-७ & ५०२

John K. Locke - 'Buddhist Monasteries of Nepal,  
pp. 316-7 & 502

## अनुसूची ११

“श्री (श्रे) योडस्तु सम्बत् ५४० भाद्र प. कृष्ण चतुदस्यां तिथौ शुक्रवास्यरे सुद शुभ ।  
श्रीश्री अक्षोण्य तथागत कीर्तिपुण्य महाविहार  
दिवांगत पिता श्री शाक्यभिक्षु जयपतीजु सतन पातस्यपितं स्वखावति लोक स्तभुः  
महामुद्रा सिद्धि प्राप्ता भवतुः दानपति पुत्र  
श्री जयजीतजू सभातृ देव हेसन पिता सतने इयकाः  
अनेन दानेनः सुख सम्पति भवतुः शुभ श्री कोपार्जुस सद्गुत्ता शुभम्”

## अनुसूची १२

“स्वस्तिश्री गुठिजाँचका कचहरिकस्यस्य पत्रम् ..... आगे इटुंबाहालको धनसिद्धि बाडा वटु बाहालको सूर्यकला बांडा लगनटोलको धोजे छुलिं (दोर्जे छिरिङ) इ तीन जना छेउ ३ समेत गुठी यावत नेपाल फुटचादेखि बढो गुठि न चलाउँदा तस्को पान्फुल रुपैया एक सय साठी १६० ली रसिद दिनु अब उप्रान्त तिनै गुठि मिलि परापूर्वका रिक्तासित गुठि चलाउँदै रहनु गुठिका षेत क्या वा बाधा धान्या गुठि नचलाई दबाई षानमा पस्या भारि डंड होला इति सम्बत् १८६१ साल मिति फागुन बढी १३ रोज शुभम् -”